

四庫全書

史部

欽定四庫全書

史部
弇山堂別集卷七十八

詳校官編修_臣李瀚

編修_臣裴謙覆勘

總校官中書_臣朱鈐

校對官中書_臣孫球

謄錄監生_臣孔廣平

欽定四庫全書

弇山堂別集卷之十八

明 王世貞 撰

賞功考上

我朝功賞規制視古最為不濫今略志之

太祖破陳友諒降武昌賞常遇春廖永忠田土餘有差
吳元年平張士誠呂見右相國達等戰門封達信國公
綵段十二表裏遇春鄂國公十表裏都督馮宗異平章

胡廷瑞九平章湯和叅政曹良臣八右丞廖永忠華高
都督康茂才七叅政薛顯趙庸副都督梅思祖汪興祖
六指揮人五十戶人四百戶人三軍士米一石鹽十斤
是年賞陵子村功行省叅政傅友德綺帛各十疋從征
千戶各三疋百戶鎮撫各二疋軍人鹽二十斤

洪武二年賞平中原將士功大將軍達白金五百兩文
幣五十表裏副將軍遇春同副將軍馮宗異白金二百
兩文幣十五表裏左丞趙庸右丞薛顯叅政傅友德白

金同文幣各十九表裏平章曹良臣白金二百五十兩
文幣二十表裏平章韓政白金同文幣殺其三平章俞
通源右丞梅思祖參政陸聚都督副使顧時白金一百
五十兩文幣殺政二參政陸仲亨文幣二表裏左丞王
溥及各衛指揮七千戶衛鎮撫六百戶所鎮撫五旗軍
總旗米三石白金三兩三錢小旗米同白金減兩二錢
軍士米同白金又減二錢

征南功御史大夫湯和白金二百五十兩文幣十五表

裏平章廖永忠都督吳禎金同文幣二十表裏

守禦功平章楊璟胡廷美白金二百五十兩文幣二十

表裏左丞周德興金同文幣殺其三都督同知張興祖

白金二百兩文幣同德興叅政朱亮祖張彬戴德僉都

郭子興陳德白金三百兩文幣十五表裏僉都督華雲

龍金殺其半無文幣各衛指揮至所鎮撫與從征同

三年賞右丞陸仲亨所部征南有功者指揮文綺帛三

表裏千戶衛鎮撫二百戶所鎮撫一戰死者倍之病故

者視戰死減三之一軍人賜米有差平章廖永忠所部
征南功指揮千戶衛鎮撫百戶所鎮撫賞同楊璟等旗
軍賜米有差平章楊璟左丞周德興所部平湖南廣西
有功者指揮文絹帛六表裏千戶衛鎮撫五百戶所鎮
撫四旗軍人給鹽六十斤止征廣西者指揮四表裏千
戶衛鎮撫三百戶所鎮撫二旗軍鹽四十斤賞六安知
州陳銘善子真平賊功白金一百兩文綺帛二疋州民
鮑文才等白金五百兩文綺帛六疋

是年大封功臣賜李善長徐達文綺帛各百疋常茂馮
勝各八十疋李文忠鄧愈各六十疋列侯湯和唐勝宗
陸仲亨周德興顧時耿炳文費聚各四十疋列侯陳德
郭子興華雲龍王志鄭遇春吳良吳禎各三十疋列侯
趙庸廖永忠俞通源都督金朝興平章李思齊叅政戴
德曹興才各二十四疋列侯華高楊璟各二十二疋列
侯康鐸朱亮祖傅友德胡廷美韓政黃彬曹良臣梅思
祖陸聚汪興祖各二十疋平章李伯昇一十六疋征進

回還復征興元指揮二十四疋千戶衛鎮撫二十疋百戶所鎮撫十六疋征定西興元應昌指揮二十疋千戶衛鎮撫十六疋百戶所鎮撫十二疋守禦有功者指揮十六疋千戶衛鎮撫十二疋百戶所鎮撫八疋軍士人賞銀十兩錢六十

四年賞平蜀功潁川侯傅友德德慶侯廖永忠白金二百五十兩綵段二十表裏濟寧侯顧時白金一百五十兩綵段十五表裏臨江侯陳德白金一百兩綵段十二

表裏都督同知汪興祖戰歿同中山侯湯和綵段十五
表裏都督僉事王簡何文輝藍玉張溫金朝興白金五
十兩綵段十表裏鞏昌侯郭子興江夏侯周德興綵段
十二表裏南安侯俞通源宣寧侯曹良臣僉都督陳桓
殺其二僉都督王成仇成葉昇又殺其三汝南侯梅思
祖又殺其二凡從潁川侯指揮人綵段八表裏千百戶
衛所鎮撫六總旗白金十二兩小旗十一兩軍十兩從
德慶侯指揮人綵段六表裏千戶衛鎮撫四百戶所鎮

撫三總旗白金十兩小旗九兩軍八兩從中山指揮至
百戶遞減一表裏軍校遞減一兩從永嘉至保寧者同
至重慶遞減一等軍校減半不從入關及守船患病者
千百戶一表裏旗軍白金二兩軍病自河南還者與錢
千二百自臨潼還者二千四百自西安還者三千六百
自秦州還者四千八百自階州還者六千陣亡者倍前
給白金溺墜病死者與見軍同

是年賞江陰侯吳良平綵寧蠻功文綺帛三十疋賞廣

西衛指揮左君弼平寇功綺帛二十疋又賜其父米二十石千戶蔡天祿以下有差賞里民黃再文平盜功白金一百五十兩

五年賞征南功侯周德興趙庸綺帛各十二表裏侯吳良指揮左君弼各十表裏公鄧愈平章李伯昇各八表裏侯楊璟宜春侯黃彬各六表裏都督王誠等各四表裏餘有差

九年賞遼東破敵功都指揮葉旺綺帛十八表裏指揮

八表裏千戶衛鎮撫五表裏百戶所鎮撫二表裏總旗
帛二疋布三疋小旗帛布各二疋軍帛一疋布二疋都
指揮使馬雲綺帛十三表裏指揮五表裏千戶衛鎮撫
三表裏百戶所鎮撫一表裏總旗帛一布二小旗及軍
帛布各一疋陣亡者倍之傷故者增半

十二年賞英山主簿隨贄捕叛功白金五百兩文綺八
表裏

十七年平雲南功潁川侯傅友德進封公永昌侯藍玉

安慶侯仇成定遠侯王弼許世襲加祿五百都督陳桓
胡海郭英張翼俱封侯餘將士遞遷有差總兵官賞織
金及雜色綵段二十表裏鈔一百錠副總兵十八表裏
鈔九十錠國公十六表裏鈔六十錠侯十四表裏鈔五
十錠都督平章十二表裏鈔四十錠指揮鈔一百錠織
金及雜色文綺十疋絹二十疋千戶衛鎮撫鈔八十錠
織金及雜色文綺八疋絹十六疋百戶所鎮撫司仗鈔
七十錠織金及雜色文綺七疋絹十四疋散騎舍人鈔

三十錠病故官與見在同傷殘指揮鈔五十錠織金及
雜色文綺五疋絹十疋千戶衛鎮撫鈔四十錠織金及
雜色文綺四疋絹八疋百戶所鎮撫司仗鈔三十五錠
織金及雜色文綺三疋絹七疋散騎舍人鈔十七錠被
傷指揮鈔三十五錠織金及雜色文綺四疋絹八疋千
戶衛鎮撫鈔二十五錠織金及雜色文綺三疋絹五疋
百戶所鎮撫司仗鈔二十錠織金及雜色文綺二疋絹
四疋散騎舍人鈔十錠征回指揮鈔三十錠織金及雜

色文綺三疋絹五疋千戶衛鎮撫鈔二十五錠織金及
雜色文綺二疋絹四疋百戶所鎮撫司仗鈔二十錠織
金文綺一疋絹二疋散騎舍人鈔十錠軍士賞鈔布至
大理建昌者人賜鈔九錠布二疋至楚雄雲南臨安曲
靖者人鈔八錠布二疋至霑益烏撒東川者人鈔七錠
布二疋至畢節七星關芒部者人鈔六錠布二疋至貴
州普定盤江黃平平越者人鈔五錠布二疋至重慶瀘
州叙南永寧及疾病寄留并守船者人鈔二錠其舍人

力士軍吏獸醫各以所至之地給賜並與軍士同逃而復征者各半之至常德沅州等處未征戰者不給發守大理等處已曾就被給賜而還者照其所至地方如數給之仍發原衛守禦其戰亡及病而死有父母妻子弟姪者人鈔十六錠布四疋止有妻子者半之被創重者人鈔十二錠布二疋輕者止依所至地方給之

十七年賜征南將校米公侯人一千五百石都督人一千石指揮人五百石千戶衛鎮撫人三百石百戶所鎮

撫人二百石已故而有子孫承襲及有父母妻女者皆給之

二十二年破北敵功大將軍藍玉白金二千兩鈔一千錠文綺五十疋副將軍唐勝宗郭英白金一千兩鈔四百錠文綺三十疋左叅將王弼白金一千兩鈔八百錠文綺四十疋右叅將孫恪白金五百兩鈔三百錠文綺十五疋都督徐司馬等六人各白金四百兩鈔一百錠文綺八疋指揮使蕭綺等八人各白金三百兩鈔百五

十錠文綺六疋指揮同知陳鏞等十人白金二百五十
兩鈔百四十錠文綺五疋指揮僉事張敬等三十五人
白金二百兩鈔百三十錠文綺四疋千百戶鎮撫各有
差陞百戶池裕為指揮僉事賞黃金一百兩白金三百
兩綵段六表裏鈔一百錠總旗施文等為副千戶各賞
黃金一百兩白金二百兩綵段二表裏鈔八十錠以征
北獲元君金寶之功也

二十三年平苗蠻功延安侯唐勝宗鈔一千錠涼國公

藍玉破西番功白金五十兩文綺帛各六疋鈔六十錠
散毛洞功鈔千錠加祿五百石征南功東川侯胡海普
定侯陳桓靖寧侯葉昇各鈔五百錠宣寧侯曹泰四百
錠平裕魯特穆爾功百戶李思明子順白金二百兩鈔
二百錠文綺帛二十疋賜雷復子貴安白金五十兩鈔
八十錠文綺帛各一疋

二十五年都督僉事何福等征蠻還京師詔賞福白金
二百兩文綺十疋鈔二百錠茅鼎白金一百兩文綺八

正鈔一百錠徐司馬陶文俞淵白金各五十兩文綺四
疋鈔一百錠將士二萬四千餘人賞賜各有差

二十六年靖寧侯葉昇獲賊首夏得忠鈔千錠黃金百
兩白金三千兩文綺三十疋東川侯胡海普定侯陳桓
次之寧番衛指揮使魯毅以守禦功賜白金三百兩鈔
三百錠文綺八疋

二十九年賜征廣西總兵官都督楊文白金三百兩文
綺帛各二十疋鈔百錠副總兵都督同知韓觀白金百

兩文綺帛各十二疋鈔八十錠

二十七年西平侯沐春都督何福討叛寇阿資賞格獲賊首者白金五百兩大把事一百兩小把事五十兩從賊五兩阿資平詔如格賞之凡官軍二萬三千九人賞黃金一百九十二兩白金二萬三千八百四兩鈔九千一百一十八錠

三十五年文皇帝議定靖難升賞格奇功領隊將校陞二級指揮賞銀五十兩綵幣八表裏鈔六百錠千戶衛

鎮撫儀衛正副銀三十五兩綵幣六表裏鈔五百貫百
戶所鎮撫典仗銀二十五兩綵幣四表裏鈔四百貫總
旗銀十八兩絹三疋綿布四疋棉花五斤鈔三百貫小
旗銀十五兩絹三疋綿布四疋棉花五斤鈔三百貫隨
伍指揮千百戶旗軍銀十三兩絹三疋綿布四疋棉花
三斤鈔二百五十貫頭功領隊將校陞一級指揮賞銀
二十兩綵幣六表裏鈔四百貫千戶衛鎮撫儀衛正副
銀十五兩綵幣四表裏鈔三百貫百戶所鎮撫典仗銀

十三兩綵幣三表裏鈔二百五十貫總旗銀十二兩絹
三疋棉布四疋棉花五斤鈔二百五十貫小旗銀十兩
絹三疋綿布四疋棉花五斤鈔二百貫隨伍指揮千百
戶旗軍銀八兩絹二疋綿布四疋棉花五斤鈔百五十
貫次功領隊指揮賞銀十五兩綵幣四表裏鈔三百貫
千戶衛鎮撫儀衛正副銀十三兩綵幣三表裏鈔二百
五十貫百戶所鎮撫典仗銀十二兩綵幣二表裏鈔二
百五十貫總旗銀七兩絹三疋綿布四疋棉花五斤鈔

二百貫小旗銀五兩絹二疋棉布四疋棉花五斤鈔百五十貫隨伍指揮千百戶旗軍銀四兩絹二疋棉布四疋棉花五斤鈔百貫

尋大封功臣都督丘福朱能白金四百兩綵幣四十表裏鈔四十貫右都督顧成僉都督張武陳圭鄭亨孟善和珍王忠王聰徐忠張信李遠郭亮都指揮李濬張輔房勝孫岩譚忠駙馬王寧白金三百五十兩綵段三十表裏鈔三千貫僉都督房寬徐理唐雲都指揮徐祥李

金史卷之八
卷之八
濬趙彝陳旭白金三百兩綵段二十表裏鈔二千五百
貫僉都督劉才白金二百五十兩綵段十六表裏鈔三
千貫護衛指揮張興白金綵幣同鈔二千貫曹國公李
景隆白金綵段鈔同丘福兵部尚書茹瑺都督同知王
佐僉事陳瑄白金三百兩綵段二十表裏鈔二千五百
貫儀正張成白金二百兩綵段十表裏鈔一千五百貫
餘如前例永樂元年賞從征衛駕將士總督都指揮銀
二百五十兩綵幣十六表裏鈔四百錠散都督指揮銀

二百兩綵幣十二表裏鈔三百錠奇功領隊指揮銀百
兩綵幣十表裏鈔二百錠千戶衛鎮撫儀衛正副各銀
六十兩綵幣八表裏鈔百八十錠百戶所鎮撫典仗各
銀五十兩綵幣六表裏鈔百六十錠隨伍官軍各銀四
十五兩綵幣四表裏鈔百四十錠絹四疋棉布五疋棉
花五斤頭功領隊指揮銀六十兩綵幣八表裏鈔百八
十錠千戶衛鎮撫儀衛正副各銀五十兩綵幣六表裏
鈔百六十錠百戶所鎮撫典仗各銀四十兩綵幣四表

裏鈔百四十錠隨伍官軍各銀三十兩綵幣二表裏鈔
百錠絹三疋棉布三疋棉花五斤次功領隊指揮銀五
十兩綵幣六表裏鈔百六十錠千戶衛鎮撫儀衛正副
各銀四十兩綵幣四表裏鈔百四十錠百戶所鎮撫典
仗各銀三十五兩綵幣三表裏鈔百二十錠隨伍官軍
各銀二十五兩綵幣一表裏鈔八十錠絹二疋棉布二
疋棉花五斤又賞功臣都督僉事李彬故金鄉侯王真
子通銀三百五十兩綵幣三十表裏鈔六百錠都督僉

事陳賢都指揮張興陳志銀三百兩綵幣二十表裏鈔
五百錠涇國公陳亨子懋加賞銀百五十兩綵幣十八
表裏鈔三百錠都指揮王友加賞銀百兩綵幣八表裏
鈔二百錠

賞谷王府官軍第一等比奇功第二第三等比頭功第
四等比次功例不陞官者加賞鈔十錠典膳仍本職食
俸同正六品賞准次功百戶例舍人准次功總旗例凡
五百八十七人賞銀鈔表裏有差

定北平守城功賞以北平永平保定為一例通州遵化為一例薊州為一例隆慶密雲密雲後衛為一例各以歲月久近為等第自都指揮至民丁給賞各有差北平永平保定洪武三十二年至三十五年都指揮銀五十兩綠幣八表裏鈔百六十錠指揮銀二十兩綠幣六表裏鈔百錠千戶銀十五兩綠幣四表裏鈔八十錠百戶銀十兩綠幣三表裏鈔六十錠旗軍銀五兩絹三尺綿布四疋鈔五十錠編伍舍人餘丁及民鈔五十錠洪武

三十三年至三十五年都指揮銀四十兩綵幣六表裏
鈔百錠指揮銀十五兩綵幣四表裏鈔八十錠千百戶
銀十兩綵幣三表裏鈔六十錠旗軍絹二疋棉布三疋
鈔四十錠編伍舍人家人餘丁民人鈔四十錠洪武三
十四年至三十五年都指揮銀三十兩綵幣四表裏鈔
百錠指揮銀十兩綵幣三表裏鈔六十錠千戶銀八兩
綵幣二表裏鈔四十錠百戶銀六兩綵幣二表裏鈔四
十錠旗軍絹一疋棉布二疋鈔二十錠編伍舍人家人

餘丁民人鈔三十錠通州遵化二處洪武三十二年至三十五年都指揮銀四十兩綵幣六表裏鈔百二十錠指揮銀十五兩綵幣四表裏鈔八十錠千戶銀十兩綵幣三表裏鈔六十錠百戶銀八兩綵幣二表裏鈔五十錠旗軍絹二疋棉布三疋鈔四十錠編伍舍家人餘丁民人鈔四十錠洪武三十三年至三十五年都指揮銀三十兩綵幣四表裏鈔百錠指揮銀十兩綵幣三表裏鈔六十錠千戶銀八兩綵幣二表裏鈔五十錠百戶

銀六兩綵幣二表裏鈔四十錠旗軍絹一疋棉布二疋
鈔三十錠編伍舍人家人餘丁民人鈔三十錠洪武三
十四年至三十五年都指揮銀二十五兩綵幣二表裏
鈔六十錠指揮銀七兩綵幣二表裏鈔四十錠千戶銀
六兩綵幣一表裏鈔三十錠百戶銀五兩綵幣一表裏
鈔二十錠旗軍絹一疋綿布二疋鈔二十錠編伍舍人
家人餘丁民人鈔三十錠薊州洪武三十二年至三十
五年都指揮銀三十兩綵幣四表裏鈔百錠指揮銀十

兩綵幣三表裏鈔六十錠千戶銀八兩綵幣二表裏鈔
五十錠百戶銀六兩綵幣一表裏鈔四十錠旗軍絹一
疋棉布二疋鈔三十錠編伍舍人家人餘丁民人鈔二
十錠洪武三十三年至三十五年都指揮銀二十五兩
綵幣三表裏鈔六十錠指揮銀七兩綵幣二表裏鈔四
十錠千戶銀六兩綵幣一表裏鈔三十錠百戶銀五兩
綵幣一表裏鈔二十錠旗軍絹一疋棉布一疋鈔二十
錠編伍舍人家人餘丁民人鈔二十錠隆慶密雲密雲

後衛三處洪武三十二年至三十五年都指揮銀二十
五兩綵幣三表裏鈔六十錠指揮銀七兩綵幣二表裏
鈔四十錠千戶銀六兩綵幣一表裏鈔三十錠百戶銀
五兩綵幣一表裏鈔二十錠旗軍絹布各一疋鈔二十
錠編伍舍人家人餘丁民人鈔二十錠洪武三十三年
至三十五年都指揮銀二十兩綵幣二表裏鈔四十錠
指揮銀六兩綵幣一表裏鈔三十錠千戶銀五兩綵幣
一表裏鈔二十錠百戶銀四兩綵幣一表裏鈔十二錠

旗軍絹布各一疋鈔十六錠編伍舍人家餘丁民人
鈔十二錠以守城功賞北平左布政使郭資銀三百兩
文綺二十表裏鈔五百錠保定知府雒僉銀二百五十
兩文綺十八表裏鈔四百四十錠都督同知陳恭銀百
兩鈔千貫文綺八表裏吏部左侍郎許思溫兵部右侍
郎墨麟大理寺左少卿呂震銀各五十兩鈔九十錠綠
幣八表裏戶部右侍郎王鍾銀十二兩鈔五十錠綠幣
二表裏刑部右侍郎盧祥銀十兩鈔六十錠綠幣二表

裏禮部祠祭司郎中程得兵部武庫司郎中魏瑛各銀
四兩鈔二十錠綠幣一表裏

賞北京守城官行部左侍郎李友直銀五十兩鈔八百
貫綠幣八表裏刑曹清吏司郎中艾麟留守行後軍都
督府都事齊孝智毋祥固安縣丞熊慶源順義縣丞邵
智新城縣丞劉清各銀四兩鈔一百貫綠幣四表裏生
絹二疋棉布四疋棉花五斤戶曹清吏司郎中曹本大
興主簿王壽各銀三兩鈔一百貫綠幣一表裏生絹一

疋棉布三疋棉花四斤

定從征哨馬營將士賞賜奇功領隊指揮銀四十五兩
綵幣七表裏鈔九十錠千戶衛鎮撫儀衛正副銀三十
一兩綵幣五表裏鈔九十錠百戶所鎮撫典仗銀二十
二兩綵幣三表裏絹一疋鈔七十二錠總旗銀十六兩
絹二疋綿布四疋棉花四斤八兩鈔五十四錠小旗銀
十三兩絹二疋綿布四疋棉花四斤八兩鈔五十四錠
隨伍指揮千百戶旗軍銀十一兩絹二疋綿布四疋棉

花四斤八兩鈔四十五錠頭功領隊指揮銀十八兩綵
幣五表裏鈔七十二錠千戶衛鎮撫儀衛正副銀十三
兩綵幣三表裏絹一疋鈔五十四錠百戶所鎮撫典仗
銀十一兩綵幣三表裏鈔四十五錠總旗銀十兩絹一
疋綿布四疋棉花四斤八兩鈔四十五錠小旗銀九兩
絹二疋棉布四疋棉花四斤八兩鈔三十六錠隨伍指
揮千百戶旗軍銀七兩絹二疋棉布三疋棉花四斤八
兩鈔二十七錠

五年先賞安南功都督柳升白金二百兩鈔一千錠綵段十表裏織金紵衣一襲都指揮魯麟白金一百五十兩綵幣八表裏衣同獲黎季犛為首軍人王柴胡陞指揮使白金二百兩鈔六百錠綵段五表裏織金紵絲衣一襲金花帶一為從者李福等四人皆以陞僉指揮白金一百兩鈔四百錠綵幣四表裏織金紵絲衣四襲素金帶一獲黎蒼為首者李保保陞賞如李福為從者張榮祖等三人陞正千戶白金五十兩鈔三百錠綵幣三

表裏織金紵絲衣一襲給花銀帶一條獻俘官指揮使
張勝等白金一百兩鈔四百錠綠幣六表裏織金紵絲
衣一襲護送官及軍人醫者三百六十五人鈔幣有差
六年大賞平安南功英國公張輔賜冠服白金四百兩
鈔一千錠綠幣四十表裏黔國公沐晟冠服白金鈔同
幣殺其二豐城侯李彬雲陽伯陳旭加祿五百石白金
二百兩鈔六百錠綠幣十五表裏清遠侯王友賜冠服
白金一百五十兩鈔四百錠綠幣十表裏安遠伯柳升

白金減王友十五之一鈔幣同右都督朱榮白金一百兩鈔二百錠綵幣八表裏贈建平伯高士文賞同柳升都督呂毅黃中以失律不賞陣亡都督程達以罪賞白金四十兩鈔一百錠綵幣四表裏領軍都指揮神機遊擊五將軍朱廣等十四人各白金一百兩鈔二百錠綵幣八表裏方政等十五人各白金八十兩鈔一百六十錠綵幣七表裏左迪曹雲等六人各白金六十兩鈔一百二十錠綵幣六表裏又溺死孫竑病死王聚賞同

姜清師祐丞凱等七人各白金四十兩鈔八十錠綵幣
四表裏劉清徐泰魯麟各白金三十兩鈔六十錠綵幣
三表裏指揮張勝等八人白金十五兩鈔六十錠綵幣
三表裏戰歿者於本賞外加白金三十兩鈔六十錠綵
幣三表裏中傷死者減三之一仍依卹典給糧米麻布
其多越隘先登者原擬不次陞賞凡一十九人都指揮
蔡福白金一百五十兩鈔四百錠綵幣二十表裏指揮
同知毛忠白金一百兩鈔三百錠綵幣十二表裏指揮

僉事田真同毛忠正千戶周趙保李文副千戶趙亮邸
成各賞白金六十兩鈔二百錠綵幣八表裏總旗尹和
等四人各賞白金四十兩鈔一百六十錠綵幣五表裏
小旗江興兎等四人各賞白金三十兩鈔一百二十錠
綵幣四表裏軍士沈伴兎等四人各賞白金二十兩鈔
八十錠綵幣二表裏仍各賜織金紵絲衣一襲并冠帶
各一其餘官軍有奇功者領隊指揮白金四十兩鈔八
十錠綵幣四表裏千戶衛鎮撫白金二十五兩鈔六十

錠綵幣三表裏百戶所鎮撫試百戶長官白金十五兩
鈔五十錠綵幣二表裏巡檢頭目總旗總甲鈔四十錠
絹三疋布二疋小旗小甲鈔三十錠布四疋隨伍官白
金五兩鈔二十四錠布三疋巡檢頭目旗甲軍人力士
校尉舍人土兵象奴軍伴餘丁戶丁降官子弟及軍吏
鈔四十錠布三疋頭功領隊指揮白金一十五兩鈔六
十錠綵幣三表裏千戶衛鎮撫白金一十兩鈔五十錠
綵幣二表裏百戶典仗所鎮撫試百戶長官白金八兩

鈔四十錠綠幣一表裏巡檢頭目總旗總甲鈔三十錠
絹二疋布一疋小旗小甲鈔二十四錠布三疋隨伍官
白金五兩鈔二十錠布二疋巡檢頭目旗甲軍人力士
校尉土兵象奴軍伴餘丁戶丁降官子弟及軍吏鈔二
十錠布二疋次功者領隊指揮白金一十兩鈔五十錠
綠幣二表裏千戶衛鎮撫儀衛正副白金八兩鈔四十
錠綠幣一表裏百戶典仗所鎮撫試百戶長官鈔三十
錠絹二疋巡檢頭目總旗總甲鈔二十錠布二疋隨伍

官員頭目旗甲軍人力士校尉舍人土兵象奴軍伴餘
丁戶丁降官子弟及軍吏鈔十六錠布一疋其為軍立
功官有奇功者已復職官領隊賞同頭功已復職官
隨伍并未復職官及旗軍民人等賞同頭功內巡檢人
等頭功者已復職官領隊賞同次功已復職官隨伍并
未復職官及旗軍民人等項賞同次功內隨伍官員人
等次功者已復職領隊指揮等官賞同次功內千戶衛
鎮撫等已復職官隨伍并未復職官及旗軍民人等項

鈔十錠布一疋其陣亡者本賞外加指揮白金二十兩
鈔五十錠綵幣二表裏千戶衛鎮撫白金一十五兩鈔
四十錠綵幣一表裏百戶所鎮撫白金十兩鈔三十錠
綵幣一表裏總旗鈔二十錠絹三疋小旗鈔十六錠布
三疋軍人鈔十二錠布二疋中傷死者加指揮白金十
五兩鈔四十錠綵幣二表裏千戶衛鎮撫白金十兩鈔
三十錠綵幣一表裏百戶所鎮撫白金八兩鈔二十錠
綵幣一表裏總旗鈔十八錠絹二疋小旗鈔十四錠布

二疋軍人鈔十錠布一疋失陷并截殺者加賞與中傷死者同官軍人等征討黎賊并剿捕安南叛賊其功一并論賞奇功二次以上者本賞外領隊官加白金五兩鈔二十錠綵幣一表裏頭目旗甲鈔十二錠布三疋隨伍官旗甲軍人等鈔十錠布二疋守關堡并運糧官軍人等賞視次功內有都指揮賞視頭功指揮戰死及中傷失陷截殺死者給麻布米糧又賞兵部尚書劉儁白金五十兩鈔二百錠綵幣四表裏吏部左侍郎陳洽白

金十兩鈔六十錠綵幣二表裏工部主事黎添祿等各
鈔二十錠辦事官提控令典鈔十六錠天文生醫士各
鈔十二錠

弇山堂別集卷七十八

欽定四庫全書

弇山堂別集卷七十九

明 王世貞 撰

賞功考中

永樂八年論北征功行賞領隊都督賞銀百五十兩綵幣八表裏鈔四百錠都指揮賞銀百兩綵幣六表裏鈔三百錠指揮銀六十兩綵幣四表裏鈔二百錠千戶衛鎮撫銀四十兩綵幣三表裏鈔百六十錠百戶典仗所

鎮撫試百戶銀二十五兩綵幣二表裏鈔百二十錠總
旗布六疋鈔百二十錠總甲小旗布五疋鈔百錠小甲
布四疋鈔八十錠隨伍官總旗比領隊減半總甲小旗
將軍力士校尉軍吏軍餘等布二疋鈔六十錠齊力殺
退賊衆者領隊官伯綵幣五表裏鈔三百錠都督綵幣
四表裏鈔二百四十錠都指揮綵幣三表裏鈔二百錠
指揮綵幣二表裏鈔百六十錠千戶衛鎮撫綵幣一表
裏鈔百二十錠百戶典仗所鎮撫試百戶絹三疋布二

正鈔百錠總旗布四疋鈔八十錠總甲小旗布三疋鈔六十錠小甲布二疋鈔五十錠隨伍官總旗比領隊減半總甲小旗將軍力士校尉軍餘軍吏布一疋鈔四十錠擺隊見陣而未交鋒領隊都督綵幣二表裏鈔百二十錠都指揮綵幣一表裏鈔百錠指揮絹三疋鈔九十錠千戶衛鎮撫絹二疋鈔八十錠百戶典仗所鎮撫試百戶絹二疋鈔七十錠總旗棉布三疋鈔六十錠總甲小旗棉布二疋鈔五十錠小甲棉布二疋鈔四十錠隨

伍官比領隊減半旗甲將軍軍人力士校尉舍人軍餘
軍吏人等棉布一疋鈔二十錠管脚力輜重者領隊官
都督綵幣一表裏鈔百錠都指揮絹二疋鈔九十錠指
揮絹二疋鈔八十錠千戶衛鎮撫絹一疋鈔七十錠百
戶典仗所鎮撫試百戶絹一疋鈔六十錠總旗布一疋
鈔五十錠總甲小旗布一疋鈔四十錠小甲布一疋鈔
三十錠力士校尉軍餘軍吏等布一疋鈔二十錠陣亡
傷故加賞之半官仍給麻布齋糧一品米六十石麻布

六十疋二品米五十石麻布五十疋三品四品米四十石麻布四十疋五品六品米三十石麻布三十疋賞征北總兵官武安侯鄭亨銀二百五十兩綵幣十二表裏鈔六百錠安遠伯柳升銀二百兩綵幣十表裏鈔五百錠餘皆如格賞之

十二年將士賞例隨駕三千官軍內領隊者伯都督賞銀百五十兩綵幣八表裏鈔四百錠都指揮銀一百兩綵幣三表裏鈔三百錠指揮銀六十兩綵幣四表裏鈔

二百錠千戶衛鎮撫銀四十兩綵幣三表裏鈔百六十錠百戶所鎮撫銀二十五兩綵幣二表裏鈔百二十錠總小旗甲銀五兩綿布五疋鈔一百錠隨伍官比領隊各減半總小旗甲將軍力士校尉人等綿布三疋鈔六十錠領神機銃手侯銀二百兩綵幣表裏十鈔六百錠射中敵人馬者不分官旗軍銀三十兩鈔百六十錠齊力接應者領隊都督綵幣表裏四鈔二百四十錠都指揮把總指揮綵幣表裏三鈔二百錠指揮綵幣表裏二

鈔百六十錠千戶衛鎮撫綵幣表裏一鈔百二十錠百戶所鎮撫絹三疋鈔一百錠總小旗甲綿布四疋鈔六十錠隨伍官比領隊各減半總小旗甲軍士人等綿布二疋鈔伍官比領隊各減半總小旗甲軍士人等綿布二疋鈔

三十錠其守營領隊者都督綵幣表裏一鈔八十錠都
指揮絹二疋鈔七十錠指揮絹二疋鈔六十錠千戶衛
鎮撫絹一疋鈔五十錠百戶所鎮撫絹一疋鈔四十錠
總小旗甲綿布一疋鈔三十錠隨伍官旗軍將軍力士
校尉人等綿布一疋鈔二十錠大旗大營馬隊并哨馬
官軍人等下馬當先敗敵者領隊伯都督銀一百兩綵
幣表裏六鈔三百錠都指揮銀六十兩綵幣表裏四鈔
二百錠指揮銀四十兩綵幣表裏三鈔六十錠千戶衛

鎮撫銀二十五兩綵幣表裏二鈔百二十錠百戶所鎮
撫銀十五兩綵幣表裏一鈔八十錠總小旗甲綿布四
疋鈔七十錠隨伍官比領隊減半旗軍人等綿布二疋
鈔四十錠齊力接應者領隊都督綵幣表裏四鈔二百
錠都指揮綵幣表裏三鈔百六十錠指揮綵幣表裏二
鈔百四十錠千戶衛鎮撫綵幣表裏一鈔百二十錠百
戶所鎮撫絹三疋鈔百錠旗甲綿布三疋鈔五十錠隨
伍官比領隊減半總小旗甲人等綿布三疋鈔四十錠

其擺隊內領隊者都督綵幣表裏二鈔百二十錠都指揮綵幣表裏一鈔百錠指揮絹二疋鈔九十錠千戶衛鎮撫絹二疋鈔六十錠百戶所鎮撫絹二疋鈔五十錠總小旗甲綿布二疋鈔二十錠隨伍官比領隊減半總小旗甲軍士人等綿布二疋鈔三十錠其守營領隊者都督綵幣表裏一鈔八十錠都指揮絹二疋鈔七十錠指揮絹二疋鈔六十錠千戶衛鎮撫絹一疋鈔五十錠百戶所鎮撫絹一疋鈔四十錠總小旗甲綿布一疋鈔

三十錠隨伍官旗軍將軍校尉力士人等綿布一疋鈔
二十錠領圍子手把總都督銀一百兩綵幣表裏六鈔
三百錠接應殺敵領隊者都指揮綵幣表裏三鈔二百
錠指揮綵幣表裏二鈔百六十錠千戶衛鎮撫綵幣表
裏一鈔百二十錠百戶所鎮撫絹三疋鈔百錠總小旗
甲綿布四疋鈔六十錠隨伍官比領隊減半總小旗甲
人等綿布二疋鈔四十錠其擺隊內領隊者都指揮綵
幣表裏二鈔百六十錠指揮綵幣表裏一鈔百二十錠

千戶衛鎮撫絹三疋鈔百十錠百戶所鎮撫絹三疋鈔
百錠總小旗甲綿布四疋鈔六十錠隨伍官比領隊減
半總小旗甲綿布二疋鈔四十錠其守官領隊者都指
揮絹二疋鈔七十錠指揮絹二疋鈔六十錠千戶衛鎮
撫絹一疋鈔五十錠百戶所鎮撫絹一疋鈔四十錠總
小旗甲綿布一疋鈔三十錠隨伍官旗軍將軍力士校
尉人等綿布一疋鈔二十錠養病守營能奮勇領衆殺
敵者其領隊官都督銀五十兩綵幣表裏四鈔二百錠

都指揮銀四十兩綵幣表裏三鈔百六十錠指揮銀二
十五兩綵幣表裏二鈔百四十錠千戶衛鎮撫銀十五
兩綵幣表裏一鈔百錠百戶所鎮撫銀五兩絹二疋鈔
六十錠隨伍官比領隊減半總小旗軍人等綿布三疋
鈔六十錠隨侍幼官幼軍并旗手衛旗鼓手領隊者都
指揮綵幣表裏一鈔百錠指揮絹二疋鈔九十錠千戶
衛鎮撫絹二疋鈔六十錠百戶所鎮撫絹二疋鈔五十
錠總小旗甲綿布二疋鈔四十錠隨伍官比領隊減半

總小旗甲軍士人等棉布一疋鈔三十錠陣亡傷故於本賞外加半賞仍給齋糧麻布五軍馬隊官軍曾下馬當先殺賊者坐營官綵幣五鈔四百錠領隊官侯伯都督綵幣表裏四鈔二百六十錠都指揮綵幣表裏三鈔二百錠指揮綵幣表裏二鈔百四十錠千戶衛鎮撫綵幣表裏一鈔百二十錠百戶所鎮撫試百戶絹三疋鈔百錠隨伍官比領隊各減半總小旗甲軍士人等棉布二疋鈔四十錠馬步隊齊力接應官軍者坐營官綵幣

表裏三鈔百六十錠領隊官侯伯都督綠幣表裏二鈔
百二十錠都指揮綠幣表裏一鈔百錠指揮絹二疋鈔
九十錠千戶衛鎮撫絹二疋鈔六十錠百戶所鎮撫試
百戶絹二疋鈔五十錠隨伍官比領隊減半總小旗甲
軍士人等棉布二疋鈔三十錠馬步隊擺隊官軍坐營
官綠幣表裏二鈔百十錠領隊官侯伯都督綠幣表裏
一鈔八十錠都指揮絹二疋鈔七十錠指揮絹二疋鈔
六十錠千戶衛鎮撫絹一疋鈔五十錠百戶所鎮撫絹

一疋鈔四十錠隨伍官比領隊減半總小旗甲軍士人等綿布一疋鈔二十錠馬步隊守營官軍坐營官綵幣表裏一鈔百錠領隊官侯伯都督綵幣表裏一鈔六十錠都指揮絹二疋鈔四十錠指揮絹一疋鈔三十錠千戶衛鎮撫綿布一疋鈔二十四錠百戶所鎮撫綿布一疋鈔二十錠隨伍官旗軍人等綿布一疋鈔十錠傳令營把總指揮趙得綵幣表裏三鈔百四十錠指揮顏沙不丁銀二十兩綵幣表裏一鈔八十錠其餘無過者指

揮絹二疋鈔九十錠千戶衛鎮撫絹二疋鈔六十錠百
戶所鎮撫絹二疋鈔五十錠舍人綿布二疋鈔四十錠
隨營舉什器及各處戍守并運糧官軍人等賞各有差
十三年總兵官英國公張輔黔國公沐晟各賞白金五
百兩鈔二萬錠綵幣五十表裏都督同知朱廣都督僉
事江浩功次相等都指揮使方政比朱廣等功最多各
賞白金五十兩鈔三百錠綵幣五表裏都指揮僉事師
祐領軍擒獲賊首陳李擴賞白金四十兩鈔二百錠綵

幣四表裏都指揮僉事謝鳳等六員比方政功差不及其亡歿者子孫各賞白金三十兩鈔百六十錠綵幣三表裏都指揮陳濬等五員比謝鳳等功又不及各賞白金二十五兩鈔百四十錠綵幣二表裏胡通海等功次謝鳳各賞白金二十兩鈔百二十錠綵幣一表裏指揮僉事陶弘等擒獲正賊鄧景異等為功頗難皆遞各賞白金三十兩鈔二百錠綵幣三表裏織金紵絲衣一襲為從者白金綵幣減三之二衣鈔如之百戶路坦等八

人擒首賊陳李獮功差易亦各陞二級所賞白金綵幣
視弘減三之一衣鈔如之其有積功多者不次陞遷指
揮僉事吳興等五人指揮使指揮同知僉事千百戶郭
顯張銘等三十人各隨所立功賞之原調官軍奇功三
次或三次以上者其於神投海口月常江慈廉縣安謨
靈長二海洋愛子江叱蒲幹冊有奇功二次者亦陞一
級雖有二次奇功而非前諸處所立者止給賞仍於應
得賞外加半給之其有奇功者領隊指揮賞鈔二百錠

綵幣三表裏千戶衛鎮撫鈔百四十錠綵幣二表裏百戶所鎮撫鈔一百錠綵幣一表裏隨伍官視領隊減半巡檢頭目總旗總甲鈔三十錠絹布各一疋小甲軍人力士校尉舍人餘丁軍伴人等鈔二十四錠布二疋有頭功者領隊指揮鈔一百錠綵幣二表裏千戶衛鎮撫鈔八十錠綵幣一表裏百戶所鎮撫鈔六十錠絹二疋隨伍官視領隊減半巡檢頭目總旗總甲鈔二十四錠布二疋小旗小甲軍人力士校尉舍人餘丁軍伴人等

鈔二十錠布一疋有次功者領隊指揮視頭功領隊千
戶千戶衛鎮撫視頭功領隊百戶百戶所鎮撫視奇功
隨伍巡檢頭目隨伍官視領隊減半巡檢頭目總旗總
甲鈔十四錠布一疋小旗小甲軍人力士校尉餘丁軍
伴人等鈔十錠布一疋為事立功而有奇功者其已復
職及初不動職者領隊指揮千百戶衛所鎮撫皆與原
調官頭功領隊者同為事立功隨伍者減半隨伍而未
復職者如之旗軍人等鈔十六錠布一疋為事立功而

有頭功者其已復職及初不動職者領隊指揮視原調
官頭功領隊千戶千戶衛鎮撫視原調頭功領隊百戶
百戶所鎮撫視原調頭功隨伍巡檢為事立功隨伍者
減半隨伍而未復職者亦如之旗軍人等鈔十錠布一
疋為事立功而有次功者領隊指揮視原調官次功領
隊千戶千戶衛鎮撫視原調次功領隊百戶百戶所鎮
撫視原調次功隨伍巡檢為事立功隨伍不問已未復
職皆減半旗軍人等鈔六錠布一疋陣亡傷故者於得

賞外加半給之仍給米布如著令

賞捕海船寇功統兵副千戶銀百兩鈔百錠綵幣二表
裏領軍百戶所鎮撫其殺首賊所鎮撫各賞銀五十兩
鈔五十錠綵幣一表裏擒首賊軍并殺從賊舍人所鎮
撫總旗小旗小甲軍人俱賞銀五十兩小甲軍人被創
死者其子賞銀十五兩弓兵民人協助擒賊者各賞鈔
二十錠有被創死者加十錠其送賊徒到京官軍應陞
賞者循例陞賞仍與路費鈔二十錠未至者即所在陞

賞從之賞下西洋舊港擒賊首功者指揮鈔一百錠綵幣四表裏千戶鈔八十錠綵幣三表裏百戶所鎮撫鈔六十錠綵幣二表裏醫長火長鈔五十錠綵幣一表裏校尉五十錠綿布三疋旗軍通事軍伴以下鈔布有差禮部兵部議奏下西洋官軍錫蘭山戰功陞賞例凡官軍奇功陞二級頭功陞一級指揮千戶百戶存者遞增其秩亡歿者與其子總旗奇功存者陞實授百戶亡歿者子陞試百戶頭功存者陞試百戶亡歿者子陞實授

總旗總甲奇功存歿者俱陞試百戶頭功存歿俱陞實授總旗小旗奇功存者陞試百戶亡歿者子陞總旗頭功存者陞總旗亡歿者子陞實授小旗小甲奇功存歿俱陞總旗頭功存歿俱陞實授小旗校尉力士軍人火長帶管舵工稍班水手軍人奇功不問存亡俱陞總旗頭功俱陞小旗舍人餘丁老軍養馬小廝奇功頭功悉如校尉軍人之例不願陞者加倍給賞奇功指揮每員賞鈔二百錠綵幣六表裏千戶衛鎮撫鈔百六十錠

綵幣四表裏百戶所鎮撫鈔百二十錠綵幣三表裏御
醫并番火長鈔百錠綵幣一表裏綿布二疋校尉鈔九
十錠綿布五疋旗甲軍民通事火長小廝軍匠軍行人
鈔七十錠綿布五疋民醫匠人厨役行人稍水并家人
鈔三十錠綿布二疋奇功次等指揮鈔百六十錠綵幣
五表裏千戶衛鎮撫鈔百三十錠綵幣三表裏絹三疋
百戶所鎮撫鈔百錠綵幣二表裏絹二疋御醫并番火
長鈔八十錠綵幣一表裏綿布一疋校尉鈔七十錠綿

布四疋旗甲軍民通事火長小廝軍匠軍行人鈔六十錠綿布四疋民醫匠人厨役行人稍水并家人鈔四十錠綿布三疋頭功例與奇功次等同頭功次等指揮鈔百五十錠綵幣四表裏絹三疋千戶衛鎮撫鈔百二十錠綵幣三表裏絹二疋百戶所鎮撫鈔九十錠綵幣二表裏絹一疋御醫并番火長鈔七十錠綵幣一表裏綿布一疋校尉鈔六十五錠綿布四疋旗甲軍民通事火長小廝軍匠軍行人鈔五十二錠綿布四疋民醫匠

人厨役行人稍水并家人鈔四十錠綿布三疋陣亡者
循前例賞外再加賞指揮鈔六十錠綵幣二表裏千戶
衛鎮撫鈔五十錠綵幣一表裏百戶所鎮撫鈔四十錠
綵幣一表裏御醫并番火長鈔三十錠綿布二疋校尉
鈔二十五錠綿布二疋旗甲軍民通事火長小廝軍匠
軍行人鈔二十錠綿布二疋民醫匠人厨役行人稍水
并家人鈔六十錠綿布二疋傷故淹沒失陷截殺各循
前例賞外再加賞指揮鈔五十錠綵幣二表裏千戶衛

鎮撫鈔四十錠綵幣一表裏百戶所鎮撫鈔三十錠綵幣一表裏御醫并火長鈔二十五錠綿布二疋校尉鈔二十錠綿布二疋旗甲軍民通事火長小廝軍匠軍行人鈔十六錠綿布二疋民醫匠人厨役行人稍水并家人鈔十二錠綿布二疋從之

都督府掌府事隆平侯張信奏比海寇至福建金門千戶所副千戶李敞督衆追捕焚賊船一斬首五十八級生擒賊首金總管等男婦十一人獲賊船二艘禮部議

奏統兵副千戶陞指揮僉事賞銀百兩鈔百錠綵幣二
表裏領軍百戶陞正千戶所鎮撫陞衛鎮撫其殺首賊
所鎮撫亦陞正千戶各賞銀五十兩鈔五十錠綵幣一
表裏擒殺首賊軍陞百戶殺從賊舍人陞所鎮撫總旗
小旗陞試百戶小甲軍人陞總旗俱賞銀五十兩小甲
軍人被創死者其子皆陞總旗仍賞銀五十兩弓兵民
人協助擒賊者各賞鈔二十錠有被創死者加十錠其
送賊徒到京官軍應陞賞者即循例陞賞仍與路費鈔

二十錠未至者即所在陞賞從之

永樂十四年六月遣人賫勅往金鄉勞使兩洋諸番內
官張謙及指揮千百戶旗軍人等初謙等奉命使西洋
諸番還至浙江金鄉衛海上猝遇倭寇時官軍在船者
纔百六十餘人賊可四千人戰二十餘合大敗賊徒殺
死無算餘衆遁去上聞而嘉之賜勅獎勞官軍陞賞有
差指揮千百戶衛所鎮撫旗軍校尉人等俱陞一級指
揮賞鈔二百錠綵幣五表裏千百戶衛鎮撫鈔百錠百戶

所鎮撫八十錠綵幣俱三表裏御醫番火長鈔六十錠
綵幣一表裏校尉鈔六十錠綿布四疋旗軍通事火長
軍匠鈔五十錠綿布三疋民醫匠人厨役稍水鈔四十
錠綿布二疋傷故者本賞外加賞指揮鈔百錠綵幣二
表裏千戶衛鎮撫鈔八十錠百戶所鎮撫鈔六十錠綵
幣一表裏御醫番火長鈔四十錠校尉三十錠旗軍通
事火長軍匠二十錠民醫匠人厨役稍水十五錠自御
醫以下綿布俱二疋

洪熙元年以破敵功遣太監楊瑛鴻臚卿楊善賜御酒
千瓶羊百羖勞陽武侯薛祿等加祿歲祿五百石都督
同知高文等加秩賜白金文綺鈔錠有差

宣德元年征高煦賞公白金五十兩鈔三千貫侯四十
兩二千貫伯二十五兩一千貫都督十兩四百貫都指
揮八兩三百貫指揮六兩二百貫千戶衛鎮撫五兩一
百貫百戶所鎮撫四兩五十貫旗軍校尉力士二兩二
十五貫自都指揮以下悉加綿布二疋扈從文職六品

以上所賜例如武職七品以下銀二兩鈔五十貫高煦
平論功賜鈔公三千貫侯二千五百貫伯二千貫都督
一千貫都指揮五百貫指揮四百貫千戶衛鎮撫三百
貫百戶所鎮撫二百貫總小旗將軍一百五十貫軍士
校尉力士各一百貫文職官六品以上如武職例七品
八品一百五十貫九品以下一百貫尉後五十貫病故
溺死官軍加半倍給其家賜隨征樂安州還京文武官
太師英國公張輔等六千八百五十人宴於奉天門是

日加賜扈從文武官軍旗校人等綵幣絹布公綵幣六
表裏侯伯五表裏都督尚書四表裏都指揮及文職三
品四品一表裏指揮絹二文職五品以下及千百戶鎮
撫將軍力士校尉旗軍絹一厨役綿布各一

四年以武臣扈從北征有勞加賜賚太師英國公張輔
成國公朱勇太子太保忠勇王金忠人鈔六百錠銀三
十兩綵幣三表裏太子太保陽武侯薛祿安順侯薛貴
恭順侯吳克忠人鈔四百錠銀二十兩綵幣二表裏清

平伯吳成應城伯孫傑遂安伯陳瑛武進伯朱冕人鈔
三百錠銀十兩綵幣一表裏中府都督同知任禮高文
都督僉事李玉李英左府左都督柴永正右都督馬亮
都督同知程忠魯噶爾都督僉事烏頁約蘓台吳守義
巴圖右府左都督蘇爾塔輝右都督蔣信都督僉事郭
志滕定嚴宣前府都督同知馮斌都督僉事韓僖梁成
後府都督僉事沈清郭義馮興李通人鈔二百錠銀五
兩綵幣一表裏坐營定國公徐景昌鈔四百錠綵幣二

表裏西寧侯宋瑛武定侯郭玪豐城侯李賢永康侯徐
亨成定侯郭晟泰寧侯陳忠人鈔二百錠綵幣二表裏
安鄉伯張安廣寧侯劉湍崇信伯費釗建平伯高遠人
鈔二百錠綵幣一表裏左府右都督冀傑鈔一百錠綵
幣一表裏永清右衛等官軍指揮同知張義等一十二
萬五千七百八十九人鈔銀綵絹布有差

五年行在兵部上陽武侯薛祿恭順侯吳克忠武進伯
朱冕奉化伯滕定及諸將士北征破敵功狀命行在禮

部賞祿克忠人鈔四百錠綵幣六表裏冕定各三百錠
綵幣三表裏都督柴永正等六人各鈔二百錠綵幣一
表裏都指揮馬昇等并軍士一萬一千二百六十二人
共鈔四十一萬八千二百三十錠絹五百八十五疋綿
布一萬二千七百四十八疋

六年二月賞征察遜功禮兵二部奏晝夜哨長及分路
擒殺與前征策應官軍都指揮綵幣表裏各一鈔一千
貫指揮每員絹二疋鈔八百貫千戶衛鎮撫每員絹布

各一疋鈔五百貫百戶所鎮撫每員棉布二疋鈔四百貫旗軍人等各綿布一疋鈔二百貫存留應接戶糧及趙運糧旗軍餘人等都指揮各絹二疋鈔六百錠指揮絹布各一疋鈔四百貫千戶衛鎮撫各布二疋鈔二百貫百戶所鎮撫各布一疋鈔二百貫旗軍人等各布一疋鈔一百貫其生擒反寇三人并斬首五級以上者陞一級生擒二人及斬首五級者亦陞一級如其間有婦女幼童俱難以功論其餘生擒二人及斬首四級以下

并混殺策應與存留應接護糧者俱不陞上以賞太輕
命凡官軍人等生擒及斬獲部長者除正賞外加賞官
每員絹一疋鈔一百貫鎮軍人等綿布一疋鈔一百貫
其晝夜哨瞭及擒殺敵者無問官軍俱陞一級凡陞賞
者一千一百四十人湊等又言官軍見到京者賞如例
其還原衛及祿勤蒙古沙州罕東安定四衛土官頭目
番軍應賞者及都督安定王准都指揮例頭目准百戶
例請遣官給賞從之

八年九月遣使勞鎮守松潘副總兵都督僉事蔣貴復
賜金織紵絲衣一襲所部殺獲有功者二十五人都指
揮僉事趙得陞都指揮同知指揮僉事宰文陞指揮同
知餘百戶總小旗皆陞一級凡同征効勞雖無殺獲者
皆賞之敢勇當先都指揮人鈔一千貫紵絲表裏三指
揮人鈔八百貫紵絲表裏二千戶人鈔六百貫紵絲表
裏一百戶人鈔五百貫絹三總旗舍人人鈔四百貫絹
二小旗人鈔三百貫絹布各一軍人鈔二百貫布二齊

力向前指揮人鈔六百貫表裏一千戶人鈔五百貫絹
三百戶所鎮撫人鈔四百貫絹二總旗人鈔三百貫絹
布各一小旗人鈔二百貫布二軍人鈔一百五十貫布
一凡賞一千八百五十三人

是年十二月北敵復入涼州甘肅總兵官都督僉事劉
廣遣涼州衛指揮使李榮等追擊至額布勒山力戰敗
之斬首領贊布父子及其黨八十餘人生擒三十餘人
兵禮部議陞榮為都指揮僉事餘有差其對敵交鋒生

擒及斬敵首者都指揮每員鈔一千貫綵幣二表裏指揮每員鈔八百貫綵幣一表裏千戶衛鎮撫每員鈔六百貫絹二百戶所鎮撫等官每員鈔四百貫絹二旗軍人等每人鈔二百貫綿布三其隨伍策應者都指揮每員鈔六百貫絹二指揮每員鈔五百貫絹布各一千戶衛鎮撫每員鈔三百貫綿布二百戶所鎮撫每員鈔二百貫綿布一旗軍人等每人鈔一百貫綿布一其餘有

人生擒一人及斬首一級二人三人共斬首一級者官

每員加賞絹一鈔一百貫旗軍人等每人加賞綿布一鈔一百貫其隨征官軍雖無殺獲功者賞居有功之次上從之又嘉廣之功遣獎勅諭賜文綺衣一襲綠幣四表裏

九年十月以平松潘番蠻功陞四川總兵官都督僉事方政副總兵都督僉事蔣貴皆左軍都督府都督同知各賜織金紵絲衣一襲賜勅勞之並陞四川都指揮同知趙得宮聚等凡三百九十七人有功而陣亡者陞其

子坐事罷職從軍而有功者復其官仍賞幣帛鈔布其
官軍奮勇當先衝入賊陣斬獲首級並生擒賊者都指
揮鈔二百錠綠幣三表裏指揮一百六十錠綠幣二表
裏千戶衛鎮撫知州一百二十錠綠幣一表裏百戶所
鎮撫長官頭目一百錠帛三疋總旗八十錠帛二疋小
旗六十錠帛一疋布一疋軍士民壯四十錠布二疋齊
力向前者指揮一百二十錠綠幣一表裏千戶衛鎮撫
一百錠帛三疋百戶所鎮撫州同知頭目八十錠帛二

正總旗總甲六十錠帛布各一疋小旗小甲四十錠布
二疋軍士民壯三十錠布一疋當先衝入賊陣五次四
次有功者除本等賞外再加賞一倍三次二次者加賞
半倍陣亡傷故官軍本等賞外加賞半倍病故官軍依
本等功次例賞

正統二年以敗多爾濟巴勒功左都督任禮蔣貴都督同
知趙安除封拜陞遷外禮貴安王驥各銀八十兩綵幣
八表裏侍郎柴重都御史曹冀羅亨信各銀四十兩綵

幣四表裏餘有功官軍俱給賞有差

七年麓川功封總兵官定西伯蔣貴

闕

總督軍務兵部

尚書王驥為侯伯右副總兵都督僉事劉聚為左都督
左叅將都指揮使宮聚右叅將都指揮僉事再保俱為
都督同知總督糧餉戶部左侍郎徐晞為兵部尚書都
察院右僉都御史丁璫為本院右副都御史賜貴驥各
白金一百兩綵幣十表裏鈔萬貫聚保各白金八十兩
綵幣六表裏鈔五千貫晞璫各白金六十兩綵幣六表

裏鈔四千貫以平麓川叛寇功也雲南總兵官都督同知沐昂為右都督賜鈔五千貫白金八十兩綵幣八表裏以給饗不絕協贊有功也九年再征麓川功加定西侯貴歲祿五百石靖遠伯驥歲祿三百石賜白金百兩綵幣十表裏鈔萬貫右都督沐昂為左都督少監肅保為太監都督同知冉保為右都督都督僉事毛清壽為都督同知各白金八十兩綵幣八表裏鈔五千貫

五年賞征麓川叛寇思任發有功賞軍旗甲人等凡一

萬二百六十二人斬首二級以上并陣亡都督方政各鈔二千貫綵段四表裏都指揮各鈔八百貫綵段二表裏指揮各鈔七百貫綵段二表裏千戶各鈔五百貫絹三疋百戶各鈔四百貫絹二疋旗軍人等各鈔二百貫絹布各一疋斬首二級以下及失陷傷故指揮各鈔六百貫綵段一表裏千戶各鈔四百貫絹二疋百戶各鈔三百貫絹布各一疋旗軍各鈔二百貫布二疋見在有功官軍都指揮各鈔六百貫綵段一表裏指揮各鈔五

百貫絹三疋千戶各鈔三百貫絹二疋百戶各鈔二百
貫絹一疋旗軍人等各鈔一百貫布一疋并賞木邦土
官宣慰使罕蓋法及其祖母美罕板等各緣幣五表裏
絹五疋景東府知府陶瓚并其祖母何曩等各鈔一千
貫緣段三表裏陶孟頭目力板放等各緣段三表裏絹
三疋巡檢把事張忠等各緣段二表裏絹二疋其陣亡
者亦加賞一倍

二年以偏頭關獲敵之功陞鎮守山西右都督李謙為

左都督山西都指揮同知馬貴為都指揮使太原右衛
指揮僉事李庸為指揮同知仍賞譙鈔三千貫紵絲四
表裏貴鈔二千貫紵絲三表裏庸鈔一千貫紵絲二表
裏斬獲首級百戶各鈔一千貫紵絲一表裏總小旗各
鈔七百貫絹布各二疋當先殺敵追奪馬匹指揮各鈔
一千貫紵絲一表裏千百戶各鈔七百貫絹三疋總小
旗軍各鈔五百貫絹一疋布二疋奮力向前指揮各鈔
五百貫絹二疋千百戶各鈔五百貫絹二疋旗軍各鈔

三百貫絹布各一疋陣亡軍倍之

是年行在禮部尚書胡濙等奏總兵官都督蕭授等征剿蠻賊有功請差官於南京官庫闕領鈔錠布絹給賞總兵官鈔二千貫綵段四表裏都指揮各一千貫綵段三表裏指揮各鈔八百貫綵段二表裏千戶衛鎮撫各鈔六百貫綵段一表裏百戶所鎮撫各鈔五百貫絹三疋旗軍民兵各鈔三百貫絹布各一疋總旗生擒敵人及殺獲首級者賞倍之民兵斬獲首級皆陞不陞者

加鈔一百貫絹一疋從之

十四年京城功賞自石亨進封侯于謙加少保外無考
但據羅通言濫陞官軍六萬六千有餘兵部言武清侯
石亨所繳功次當先一萬九千八百八十人陞一級陣
亡三千一百一十八人陞一級餘皆給賞又賞涿州紫
荊關官軍萬一千九百三十五人居庸關有功官軍楊
俊等一萬二千一百十八人蓋自宣英以後重陞而薄
賞一時帑藏雖不至大空匱而所陞祿秩其為百年之

費蓋不啻數十倍矣


景帝初募殺額森者賞銀五萬兩金一萬兩封國公加太師殺巴延特穆爾及喜寧者銀二萬兩金一千兩封侯尋宣府右叅將都督僉事楊俊等奏計擒喜寧陞俊右都督與總兵朱謙各賞金二十兩銀六十兩紵絲三表裏總旗高鑒陞千戶衣一襲給事御史請如初格下兵部議封俊侯以金銀散其部衆詔不許加賞俊金二十兩銀三十兩紵絲三表裏把總都指揮江桓陞都督

僉事賞銀二十兩三表裏奮勇殺賊官軍人陞一級賞銀十兩二表裏餘人銀五兩絹布各五疋

景泰元年復以楊俊奏擒喜寧官軍功多不實勅宣府鎮守總兵等官究實至是奏守闕官軍指揮蔡璽等二百二十餘人而都指揮僉事江福指揮孫柰等十二人實擒喜寧俊與麾下官軍冒其功事下兵部乞下俊獄追奪陞職冒功官軍俱革罷其守闕擒敵官軍仍加賞庶使賞罰明信人知勸懲詔從之賞福白金三十兩紵

絲三表裏柰等十一人白金十兩紵絲二表裏璽等二百二十人各白金五兩絹五疋布五疋宥俊令剿敵贖罪

五年賞擒斬反賊曹欽有功官軍通三千一百六十四人廣義伯吳琮銀二十兩絲幣三表裏都指揮各銀六兩指揮各銀五兩千百戶等官各銀四兩旗軍人等各銀三兩其被傷都指揮加銀四兩指揮加銀三兩千百戶等官加銀二兩旗軍人等加銀一兩



弇山堂別集卷七十九

欽定四庫全書

史部

弇山堂別集卷

八十二

詳校官編修_臣李潢

編修_臣裴謙勛

總校官中書_臣朱鈐

校對官學正_臣湯垣

謄錄舉人_臣李逢泰

欽定四庫全書

弇山堂別集卷八十

明 王世貞 撰

賞功考下

成化中平兩廣賊功中軍都督同知趙輔等封及千二百石左僉都御史韓雍為左副都御史游擊將軍右都督和勇為左都督加歲俸百石戶部右侍郎薛祿為左侍郎加正二品俸監察御史汪霖劉慶為大理寺左寺

丞舍人為所鎮撫生員為都督府都事陞賞者都指揮
白金等一萬六千六百五十八員名有差

平荆襄賊功總兵撫寧伯朱永等封及二千石提督尚
書白圭加太子少保食從一品俸都督同知喜信為左
都督僉事鮑政為都督同知湖廣總兵官都督同知李
震為右都督右副都御史王恕為左副隨軍右叅議王
儉為右叅政右叅將都指揮僉事王信為都指揮同知
御史孫珂鄧本端俱加俸一級將士陞賞者八千餘人

平董山功加鎮守監督太監黃順等歲米二十四石少
監張璘為太監右監丞韋朗為右少監提督左都御史
李秉加太子少保總兵武靖伯趙輔等巡撫右僉都御
史張岐為左僉食正三品俸都督僉事王瑛王銓為都
督同知署都督僉事武忠署都指揮使黃敘署都指揮
僉事韓斌武俊俱實授都指揮同知裴顯為都指揮使
御史呂雯邊鏞為南京通政司左右參議孫珂崔讓為
南京大理寺右寺丞苑馬少卿馬俊為左叅政餘陞賞

有差

平四川山都掌蠻功鎮守太監劉恒歲米二十四石左
少監趙永為太監歲米十二石提督尚書程信兼大理
寺卿襄城伯李瑾進封侯右都督羅秉忠封順義伯都
督僉事穆義為都督同知御史方漢為南京通政司左
叅議兵部郎中俞欽為太常少卿戶部郎中李田為廣
東左叅議兵部主事陳澈戶部主事劉傑俱郎中左少
監鄭忠南寧伯毛榮右副都御史陳宣都督僉事芮成

給賞副都御史汪浩准贖又陞錦衣等衛帶俸都指揮使白金白玘王受俱都督僉事餘陞賞有差

平滿四石城功太監秦剛歲米二十四石總兵劉玉為左都督總督左副都御史項忠為右都御史巡撫右副都御史王銳馬文升為左副都都督同知白玉署右都督署都督僉事林盛曾鑑俱實授鑑仍署都督同知都指揮同知胡愷署都指揮使紀功兵部員外郎劉洪為郎中支從四品俸僭運戶部署員外郎張賑為郎中御

史鄧本端為按察副使任佐江孟倫兵部主事閻讓加俸一級其餘將士陞者一千七百二十人賞者七千一十三人

平荆襄流民功右監丞韋貴為左監丞右都御史項忠為左都御史右都督李震為左都督紀功御史劉潔為按察副使叅謀檢討張寬為僉事將士陞賞者五十二人陞者七百九十四人賞者二千三百三十四人

黃草梁之捷擒斬逆賊百餘人以後波羅堡戰斬首十

二級官軍死者四百七十六人傷者六百五十九人詔
太監傅恭顧恒各歲米二十四石撫寧侯朱永與世襲
右都督劉聚進左都督左副都御史王越為右都督都督
僉事范瑾為都督同知都指揮神英署都督僉事將士
當陞且賞者三十三人陞者千四百七十二人賞者萬
一千三百一人聚復進封寧晉伯年紅鹽池之捷總兵
官署都督僉事許寧實授仍署都督同知左少監張遐
陞太監游擊將軍都指揮使周玉把總都指揮使劉寵

俱陞都督僉事左都御史王越加太子少保陞俸一級
左副都御史余子俊為右都紀功兵部署郎中張謹實
授及督餉戶部郎中李烱然俱陞俸一級都指揮而下
陞二級者三人一級加賞者三十三人一級者百三十
三人署職一級者三百七十人給賞者千二百五十人
量賞者六千八人

廣順關之捷斬首六百九十五級俘獲四百八十六人
破四百五十寨牛馬千餘撫寧侯朱永進封保國公太

監汪直歲米三十六石韋朗十二石右副都御史陳鉞
為右都御史領兵右監丞藍營都督同知馬儀僉事白
金緱謙王錯白瑜都指揮同知崔勝周俊署都指揮使
韓斌俱陞一級紀功御史楊徽為按察副使試僉事王
璿齊經俱實授總餉郎中王宗彛為太僕少卿僉餉都
指揮同知常凱署都指揮使叅議張盛副使魏秉加俸
一級將士陞賞者五十人陞者千八十九人賞者一千
五百四人

威寧海子之捷擒幼男婦女百七十一斬首四百三十
七獲旗纛十二馬一千八十五駝三十一牛一百七十
六羊五千一百七十六盔甲皮襖弓箭一萬有餘太監
汪直加歲米四十八石太子太保左都御史王越封威
寧伯世襲鎮守太監韋正歲米十二石奉御孫勝韋敬
總兵都督同知花瑾副總兵都督同知孫越右叅將都指
揮同知盧欽宣府副總兵都指揮同知江西遊擊將軍
都指揮僉事閻斌陞一級左叅將署都指揮僉事周壘

陞都指揮同知巡撫大同右副都御史孫洪轉左支正
二品俸紀功給事中孫博為山西按察司僉事督糧山
西右叅政李岳為左叅政將士陞者二千九百八十六
人賞者一萬七千九百二人

大同黑石崖之捷生擒敵兵十人斬首一百十三級獲
馬七百二十九匹器械六千二百件監督太監汪直歲
米三百石總兵保國公朱永世襲總督威寧伯王越加
太子太傅增祿四百石仍廕一子錦衣百戶領神鎗太

監傳喜歲米十二石與鎮守太監韋正廕同越監丞孫勝陸闇奉御鄒玉各陞一級右叅將都督僉事李俊署都督同知游擊將軍署都督僉事馬俊實授左叅將都指揮同知周鹽都指揮使副總兵都指揮使江山署都督僉事紀功御史劉璧為按察副使督餉郎中孫忠為右叅政僉運副使張文昭右叅議傳允各俸一級將士陞賞者一萬七千七百五十二人右廣順關威寧海黑石崖所謂三大邊功也皆汪直主之而朱永王越各居其二

陳鉞居其一爵賞冗濫府庫空竭自直與趙敗後邊事稍稍寧息矣

寧夏之功獨仇鉞耳張永至加歲米四十八石賞白金五百兩綵幣五十表裏然誅劉瑾功亦可當也而後遂封兄富為泰安伯弟容為安定伯至內閣大學士李東陽加特進左柱國蔭子兆藩尚寶丞楊廷和加少傳太子太傅謹身殿大學士蔭子恒中書舍人劉忠加少傳太子太傅武英殿大學士仍各賜白金一百兩綵幣四

表裏梁儲以後至改武英殿大學士兵部尚書王敞太子少保廕子會錦衣衛百戶尚書白鉞劉機田景賢劉璟俱加太子少保與敞及兵部侍郎陸完李浩各白金三十兩綵幣四表裏它侍郎副都大理通政俱二十兩三表裏司禮太監溫祥賴義谷清秦文范宣張欽祿歲米各十二石賞同內閣廕弟姪為錦衣衛指揮僉事千戶有差已復推永例封太監谷大用兄大寬為高平伯馬永成姪山為平涼伯魏彬弟英為鎮安伯而義子朱

德亦為永壽伯後永弟震復為右都督大用等難免同
瑾亂政之誅東陽等內懷不能救正之愧而皆叨冒崇
爵厚賞偃然朝寧何也東陽等當力持持之不可則力
辭以潔身差為彼善而計皆不及此一時之人品與時
事皆可知矣與永謀者楊一清入為戶部尚書加太子
少保賞白金五十兩綵幣二表裏及廕一子錦衣千戶
後改吏部加少保太子少保則猶以前功云

山東河南賊平應加封擢者獨仇鉞彭澤陸完而已鉞

進封咸寧侯澤與陸完俱加太子少保完為左都澤右都一子世襲錦衣百戶而太監谷大用陸閻各歲祿二十四石一姪錦衣千戶大用弟大亮復進封永清伯閻弟永鎮平伯兵部尚書何鑑加太子太保廕叙如完澤侍郎李浩石玠陞俸一級錄子入監以至內閣大學士李東陽楊廷和梁儲費宏各賞銀五十兩綵幣四表裏廕一子錦衣正千戶世襲辭改廕文職又辭東陽兼支尚書俸廷和加少師兼太子太師華蓋殿大學士儲加

少傅太子太傅謹身殿大學士宏加太子太保武英殿
大學士此何說也英國公張懋成國公朱輔定國公徐
光祚會昌侯孫銘新寧伯譚祐尚書楊一清靳貴孫交
傳珪田景賢李鏊錦衣朱寧宋安各白金三十兩綵幣
二表裏侍郎九卿二十兩一表裏東廠太監丘聚歲祿
米二十四石一討寧王賞格領軍內官將官并提督巡
撫等官督兵擒斬宸濠者俱封侯下手擒斬者陞五級
本管千總官三級把總官二級管隊官一級督兵擒斬

首惡主謀用事者一名陞一級武官至正一品文官至從一品止原係伯者五名以上進封侯左都督五名以上進封伯不及數者每一名本色俸一百二十石下手擒斬者每名為首陞三級為從陞二級本管千總每名陞二級把總每名陞一級管隊每名賞銀二十兩一名以上加賞四名以上遞陞二級督兵擒斬從賊一百名以上陞一級四百以上陞二級隨伍軍人擒斬三名陞一級六名陞二級而止二名賞銀十兩陣亡者陞實授

一級原無職役不願陞者賞銀十五兩陣傷回營身故者陞署一級原無職役不願陞者賞銀十兩前項俱世襲後王守仁等擒獲寧王有旨江西反賊勦平地方安靜各該官員功績顯著你部裏既會官集議分別等第明白王守仁封伯爵給與誥券子孫世世承襲照舊叅贊機務伍文定陞右副都御史廕子孫世襲正千戶戴德孺陞三級邢珣謝璉各二級伍希儒一級陳槐賞銀二十兩紵絲四表裏謝源吏部陞用王守仁本當行取

來京宴勞但先帝山陵甫畢禮儀從省寫勅差行人前去慰諭賞銀一百兩紵絲四表裏南京光祿寺辦宴內外守備并府部掌印侍宴按此與前格迥不同矣

永樂十一年營建長陵功武義伯王通進封成山侯食祿千二百石子孫世襲侯爵散官勲號如故賞綵幣六表裏鈔四百錠掌金吾右衛事都指揮僉事許亨陞都指揮同知金吾右衛指揮僉事李旺陞指揮同知羽林前衛指揮同知吳剛陞指揮使亨賞綵幣四表裏鈔二

百錠旺剛各賞綵幣三表裏鈔百六十錠營繕所正蔡
信陞工部營繕清吏司郎中不視司事賞綵幣三表裏
鈔二百錠其營繕所正王寧等并督工官吏及軍民工
匠賞各有差復論初卜吉之功陞知縣王侃州同知賞
綵幣三表裏鈔二百錠陞給事中馬文素太常寺博士
陰陽訓術曾從政陰陽人劉玉淵皆欽天監漏刻博士
食祿不視事五官靈臺郎吳永始以僧授官改陞僧錄
司右闡教各賞綵幣二表裏鈔百六十錠

正統六年三殿二宮成功賜太監阮安僧保各金五十兩銀一百兩紵絲八表裏鈔一萬貫都督同知沈清陞修武伯食祿一千石子孫世襲少保工部尚書吳中陞少師尚書如故各賜紵絲五表裏鈔五千貫太僕寺少卿馮春楊青俱陞工部左侍郎各賜紵絲二表裏鈔二千貫所正工作人等各賞絹鈔有差

按自寧藩賞後惟東北兩提內閣大臣及總兵有至白金百兩者餘不能過八十兩幣亦無至十表裏蓋

賞例之有節未有過於我朝者也若前代之典可考者如廢立之賜漢宣帝時大將軍霍光前後黃金七千斤錢六千萬雜繒三萬疋奴婢百七十人馬二千匹甲第一區車騎將軍安世丞相敞等有差桓帝時大將軍梁冀如霍光晉簡文帝時丞相桓溫錢五千萬絹二萬疋布十萬疋又世子熙布三萬疋米六萬斛金海陵時完顏秉德錢二十萬絹一千疋馬牛各三百羊三千唐古辯如之威岱錢千萬絹八百疋馬

牛各二百羊二千大興國奴婢百口犀玉帶各一再
賜錢千萬黃金四百兩銀千兩良馬四疋橐駝三頭
圖克坦貞黃金看兩重綵二十端布薩師恭李光先錢
千萬絹五百疋馬牛各一百羊二千元文宗時太平
王雅特穆爾黃金五百兩白金二千五百兩中統鈔
一萬錠金素段二千疋海東白鶻一青鶻一豹二平
江稻田五百頃又黃金印玉盤龍衣珠衣寶珠金腰
帶又珠衣二襲七寶束帶一黃金甕一黃金瓶三海

東白鶻二青鶻三白鷹一豹二十又隆慶州流杯園
池水磴土田及平江松江江陰蘆蕩山場塗沙田地
又以七寶腰帶一金四百兩銀九百兩與妻公主裕
魯各金五百兩銀五千兩浚寧王已延御服金鎧甲
寶刀又黃金二百兩白金一千兩鈔二十五萬貫又
黃金二百兩白金七百兩順帝初賜黃金雙龍符組
以寶帶又七寶玉書龍虎金符取國之賜漢昭烈定
蜀軍師將軍諸葛亮前將軍關侯右將軍張飛尚書

令法正各黃金五百斤白金千斤錢五十萬錦段萬疋馬超以下各有差吳取荊州呂蒙錢千萬黃金五百斤魏定漢太尉鄧艾絹二萬疋司徒鍾會絹萬疋俱未給晉定吳益州刺史王濬尚書張華絹各萬疋濬加衣一襲錢三十萬賈充杜預王渾各八千疋司馬卞王戎唐彬各六千疋餘有差西魏平梁江陵燕公子謹奴婢千口及梁金帛寶物絲竹樂一部長孫儉奴婢三百口于翼二百口楊紹侯植各一百口寶

物有差周武平齊無考唯陰壽物千段奴婢百口女
樂二十人元景山女樂一部帛六十疋奴婢二百五
十口牛羊數千隋文帝平陳晉王廣路車乘馬袞冕
之服玄圭白璧物四萬段總管楊素物萬段粟萬石
加金寶器玩陳公主女伎十四人高頻九千段賀若
弼韓擒虎八千段弼加寶劍寶帶金甕金盤各一堆
尾扇曲蓋雜絲二千段女樂二部秦王俊燕榮等各
有差是時帝御廣陽門宴將士自門外夾道列布帛

之積達於內郭凡用物三百萬段唐高帝取竇建德
王世充秦王世民黃金六千斤袞冕金輅雙壁前後
部鼓吹班劍六十人齊王元吉黃金二千斤袞冕鼓
吹班劍二十人史大柰雜緣萬段侍女三人餘無考
平西京秦王及劉文静以下無考裴寂田千頃甲第
一區物四萬段史大柰物五千段平蕭銑趙郡王孝
恭甲第一區寶玩器物以千數女樂二部奴婢百口
馬百匹平內亂之賞漢文帝以誅諸呂太尉周勃黃

金五千斤丞相陳平二千斤朱虛侯章東牟侯興居
典客揭千斤漢桓帝以誅梁冀小黃門單超貝瓊錢
各千九百萬左官唐衡千三百萬陳後主以平叔陵
賜蕭摩訶叔陵府金帛巨萬唐太宗以平隱巢賜尉
遲敬德巢府金寶什器仍加絹萬疋唐睿宗以誅逆
韋劉幽求鍾紹京各物千段奴婢二十人甲第一區
良田千畝金銀雜物稱是玄宗以誅太平公主王琚
姜皎李令問以辭封加金銀器皿各一牀帛二千疋

甲第一區郭元振物千段元武宗以縛逆王賞越王
圖喇鈔萬錠又丞相實結金五百兩銀千五百兩鈔
七千錠平外亂之賜晉平王敦司徒王導絹九千疋
將軍溫嶠庾亮各五千四百疋郝鑒四千八百疋餘
有差平蘇峻太尉陶侃絹八千疋將軍溫嶠七千疋
郝鑒六千疋餘有差平桓玄車騎將軍劉裕絹三萬
疋劉毅何無忌等有差隋平三方韋孝寬無考梁睿
物五千段奴婢一千口金二千兩銀三千兩于義奴

婢三百口雜綵三千段平漢王諒尚書令楊素物五
萬段綺羅千疋伎妾二十人史祥縑綵七千段女伎
十人良馬二十匹平楊玄感樊子蓋綵三千疋女樂
五十人來護兒物五千段黃金千兩奴婢百人唐賞
平朱泚中書令李晟永崇里甲第涇陽上田延平門
林園女樂一部侍中渾瑊大寧里甲第女樂五人大
將駱元光李元諒等甲第一區女樂三人破大敵之
賞晉以破苻堅謝玄錢百萬綵千段陳以破齊功大

將軍吳明徹鐘磬一部米一萬斛絹布一千疋破虜
之賞漢大將軍衛青破匈奴賜千金將軍段頻破羌
錢百萬義渠騎士射殺黎汗王黃金二百斤馬二百
匹都護甘延壽陳湯倖郅支黃金各百斤都護孫會
宗誅武丘黃金百斤隋楊素破突厥纁二萬疋萬釘
寶帶一再破突厥物二萬段將軍竇榮定破突厥纁
萬五千疋李靖擒頡利絹一千疋加賜帛千疋裴行
儉平都支賜虜金器皿三千餘物橐駝馬牛稱是平

賊之賞漢將軍馮奉世平羌賊黃金六十斤交阯刺史朱雋平梁龍賊黃金五十斤隋張衡平李英林奴婢百三十口物五百段金銀雜畜稱是楊素平江南賊綵八千段再平閩賊黃金四十斤銀瓶一實以金錢綵三千疋馬二百匹羊三千口田一頃宅一區楊義臣破賊物一千段雜綵五百段女伎十人良馬二十匹衛玄平山獠獮二千疋王仁恭平賊絹六千疋馬四十匹又良馬十匹黃金百兩劉弘物二千段元

托克托平徐州黃金五百兩白金五千兩鈔一萬錠綵幣帛一千疋額森特穆爾平河南賊賜金繫腰金五十兩銀五百兩鈔五千錠幣帛各百疋戰功漢董卓纁九千疋魏元嵩帛二千五百疋奚康生帛千疋御驊騮馬二匹北齊慕容儼帛七百疋又帛一千疋錢十萬又金銀酒鍾各一枚胡騮一匹王勇帛二千疋隋王世績絹五千段良馬二匹金百兩張大瀾物二千五百段粟一千五百石周法尚金鈿酒鍾一隻綵

五百段良馬十五匹奴婢三百口李景奴婢六十口
物千五百段趙仲卿物三千段奴婢五十口黃金二
百兩粟米五千石段降奴婢五十口錦絹四千段唐
江夏王道宗入敵營窺賊形勢賜黃金五十斤絹千
疋又以功賜帛百疋程名振物二千段黃金三百兩
元圖圖爾哈賜珠帽珠衣玉帶金帶縑素萬疋金銀酒
器各百兩青鸚一水磴一田二千畝崇烏嚕御衣一
襲黃金百兩白金五百兩鈔十萬貫朗賚哲古黃金

六十兩白金六百兩又貂裘寶鞍繒錦七百疋絁斯
男女五十口宅一區黃金帶酒壺盃各一阿
穆爾黃金三百兩巴勒丹賜男女各一金銀甕一銀椅一
鈔一萬五千貫史天澤白金五千兩鈔萬緡李庭黃
金百錠金珠衣各一襲出使之賞趙使蘇秦約五國
革車百乘錦繡千純白璧百雙黃金萬鎰秦使姚賈
約四國黃金千斤車百乘隋使長孫平宣諭突厥纁
三百疋良馬一出使守節之賞漢蘇武錢二百萬公

田二頃宅一區常惠等各帛三百疋魏于什門羊千
口帛千疋出鎮之賞漢大將軍竇嬰賜黃金千斤晉
將軍桓沖錢五十萬米三百五十石牛五十頭周宇文
盛督荊州甲一領奴婢二百口馬五百匹牛羊莊
田什物有差北齊段韶守晉陽女樂十人金百斤繒
帛稱是張威為青州總管錢八十萬米五百石雜綵
三百段楊素總管信州錢百萬錦千段馬二百匹郭
虔瓘都護安西帛二千段及他珍器汾陽王郭子儀

帥河東賜良馬銀器雜絲絹布九萬疋宋大將韓世忠討閩賊賜廣馬七綱甲千副銀二萬兩帛二萬疋元右丞相哈喇哈遜行省和林賜黃金三百六十兩白金二千五百兩鈔十五萬貫帛四百端乳馬六十太后加賜鈔五萬帛千二百端

弇山堂別集卷八十